

玄師曰上清者心之華房也太一含華其形自然太一元君居之如蓮華之房心未開之丹華入冥者身有八脉冥會之處盡總於心也細微之中以通元炁同注泉源之所也如草木枝脉比人身赤文血脉之道路一體經絡之榮衛也

中理五炁混合百神

玄師曰中理五炁者理五神之妙炁於中元五炁之中百神混合於內也大洞回風混合之法

十轉迴靈萬炁齊仙

萬炁者萬神也天尊說經十遍天關爲之十轉則迴百靈以成性變萬炁以俱仙

道藏輯要

度人經法

卷

九集七

玄師曰十轉之法天尊十遍說經五行生成之道也先五遍則得五行之生數聾盲喑啞跛病痼疾痊愈復形後五遍則得五行成數乃至聖胎凝靈回骸起死枯骨變仙更生成人也

詳載大法

此二章乃靈中之靈寶中之寶上品之首所謂玉晨道君云受元始度人无量上品者是斯也

銜華章

仙道貴生无量度人上開八門飛天法輪罪福禁戒宿命因緣八方法輪之門中有罪福之陽各有禁戒宿會因緣事迹具載法輪經

普受開度死魂生身身得受生上聞諸天諸天之上各有生門
權道圖云開門人道乾宮通天之絳宮休門釋道坎宮通天
之明堂生門仙道艮宮通天之玉堂此三門在三天之上吉
道也出之遇福死門鬼道坤宮與死炁相通杜門業道巽宮
入死戶傷門地獄道震宮驚門畜生道兌宮此四門乃二炁
交分之路景門神道離宮在陽炁終絕之地然此八門有吉
有凶凶則死戶吉則生門故經云諸天之上各有生門雖凶
門亦有通天受生之吉道

已上正文元始天尊所說玉晨道君紀錄

三界章

道藏輯要

度人經法

矣

元集七
川文

中有空洞謠歌之章魔王靈篇辭參高真

此玉晨道君紀述

第一欲界飛空之音

欲界六天自皇曾天至魔王天也中有魔王諱郁默作飛空
之歌欲界最居下位故云第一

人道眇眇仙道莽莽鬼道樂兮當人生門天道貴生鬼道貴終
仙道常自吉鬼道常自凶高上清靈爽悲歌朗太空唯願仙道
成不欲人道窮北都泉曲府中有萬鬼羣但欲遏人算斷截人
命門阿人歌洞章以攝北羅酆東送妖魔精斬馘六鬼峯

辭幽棲註斷首曰斬截耳曰馘酆山有六峯峯各一宮既有